

CUSSEGL GROND

Sessiun da december 2022

Dumonda Gort concernent las plazzas da parcar per lung da las vias chantunalas

Cun permetter plazzas da parcar per lung da la via chantunala n'è l'Uffizi da construcziun bassa (UCB) betg mo precaut, na, atgnamain excluda el talas permissiuns categoricamain u pretenda mesiras architectonicas sproporziunadas.

Uschia scriva il UCB sin ina dumonda da la vischnanca da Küblis:

Plazzas da parcar longitudinalas:

Il project da construcziun sa chatta en il sector ordaifer il vitg da la via da colliaziun regiunala V726.41 Via da Saas. Ina permissiun d'access per plazzas da parcar longitudinalas na pudain nus da princip betg empermetter. Ina pussaivladad da parcar per la parcella nr. XY sto vegnir evaluada in pau d'avent da la via chantunala e preschentada en il project definitiv da la vischnanca da Küblis. Ina permissiun d'access per l'access concentrà a la via chantunala en il vest da la nischa da fermada planisada pudain nus vinavant metter en vista.

Tar quest exempel stoi vegnir constatà, ch'i n'avess duvrà naginas mesiras architectonicas per las plazzas da parcar longitudinalas menziunadas qua survar, per l'access concentrà però bain. Per il proprietari da la chasa signifitga quai investiziuns da 70 000 francs ed in sfarlattim considerabel da terren EOZ.

I dat però er exempels en il sector entaifer il vitg, tar ils quals il UCB fa pretensiuns sproporziunadas. Qua pari da dar en egl, che las plazzas da parcar tenor il dretg vegl na vegnan betg messas en dumonda, sch'il chantun fa insatge, sco p.ex. cun schlargiar la via da Tälfsch. Sche la vischnanca (exempel plazzas da parcar longitudinalas) u persunas privatas (exempel Via da Tälfsch) inolteschan projects da construcziun per l'examinaziun al chantun, alura na survegnan quels tuttenina nagina permissiun u apunta mo cun pretensiuns sproporziunadas.

Gugent supplitgesch jau la Regenza da responder a las sutsegnadras ed als sutsegnaders las suandantas dumondas:

1. Tenor tge basas giuridicas permetta, respectivamain scumonda il chantun parcadis ed access per lung da las vias chantunalas en ils secturs entaifer e ordaifer il vitg?
2. Tge libertad da decider ha il chantun en connex cun il giudicament?
3. Co declera la Regenza il giudicament different da parcadis tenor il dretg vegl tut tenor project da construcziun e tut tenor patrun da construcziun (cf. exempel plazzas da parcar longitudinalas ed exempel Tälfsch)?
4. N'è la Regenza betg er da l'avis, ch'il chantun sto surpigliar ils custs supplementars, sch'el scumonda plazzas da parcar tenor il dretg vegl?

Cuira, ils 7 da december 2022

Gort, Kasper, Cramer, Adank, Beeli, Binkert, Brandenburger, Bürgi-Büchel, Candrian, Casutt, Censi, Collenberg, Cortesi, Della Cà, Derungs, Dürler, Favre Accola, Föhn, Furger, Gansner, Grass, Hartmann, Hefti, Koch, Lehner, Luzio, Menghini-Inauen, Morf, Natter, Rauch, Roffler, Salis, Schutz, Sgier, Stocker, Weber